

定山堂詩集

定山堂詩集卷三十一

七言律詩十六 九十首

贈王永壺學士

寒食日白下諸子招集慈仁花下和仲調韻

四首

清明同古古伯紫仲調兔牀諸子登妙光閣

感悼二首

閣爲善埽
君所建

春夜集慈仁海棠花下同古古伯紫限韻 一首

上巳後一日招同古古兔牀伯紫仲調集慈

仁寺海棠花下是日晨雪

三首

再別古

善持君槐南歸六如上人禮懺有作因和原

韻

過廣武回憶壬午出使時二十五年矣撫今

追往爲二詩以寓慨焉

過雍丘孟陟公招集矩廊用李過廬壁間韻

卽事二首

飲中贈馬布巷先輩時攜歌童佐酒

過永城飲同年張東井太常齋中

二首

贈開封丁進士

過太丘弔王子房中丞

午日臨淮道中

二首

送姜子翥返京口

過沂水徐子星招飲署齋次日復枉送青駝

寺漫酬二首

過昭君故里和邸店壁上女子韻

無題疊前韻

燈夕飲李湘北太史齋中 二首

喜古古重至都門 二首

春日古古伯紫昭茲同集小齋

花下同古古作 六首

花下同伯紫作 二首

櫺樽真空寺送古古 二首

送劉潛柱南還 二首

送李子靜侍讀使安南

和古古 二首

送鄭昭考展歸侍尊公侍御

寄夏乃張遠林侍郎志別

寄金長真太守

春日送周菊人都諫內擢假歸

送同年裴晉卿銀臺歸晉陽

二首

送陳渾水督捕還天中

送董玉虬侍御叅藩秦州和其留別韻

送和無山魯二兩司馬長至齋居之作

二首

春夜讌集偶見吳玉隨太史壁間韻戲和紀

事

過書雲新齋

二首

送越辰六孝廉之吳興

送梁敷五少宰還恒山兼懷王立承伯

九日黑窰厰登高同方與三作

十九日穀梁招集與三慈仁厰齋

二首

廿一日石仲生司農招集慈仁松下同方與

三分賦三首

卽席送與三次繼穉韻兼寄樓岡邵村昆玉

壽賈膠侯中丞

喜與三復至都門

二首

送與三南還飲中同次德仲調作

二首

和鮑讓侯留別二詩送歸梁溪兼志交臂相

失之愧

二首

清瑟以明經廷對再入長安相見歡甚飲中

感賦兼懷同學諸子

酬曹澹餘宗伯雨後曉行河畔之作

午月祝許子位同年卽和其自壽韻

二首

次德以長公大春次公介春詩見示賞咏累

日和伯紫韻倚贈二首

定山堂詩集卷三十一

姪嘉禧

淮南龔鼎肇孝升著

男士祺全較

弟鼎鏞孝積訂

七稚

康熙丙午迄
庚戌存簡藁

七言律詩十六

贈王冰壺學士

潁川藉甚賢豪譽何幸英游接席同
鄉魯經師文苑上袁楊公望禁林中
黃麻漏永花磚日玉笋春

深絳帳風薄海太平扶杖久黑頭真倚救時功

寒食日白下諸子招集慈仁花下和仲調韻

四首

花枝欲放近高樓老眼看花醉未休碧草家連三月路春風人白十年頭啼鶯乳燕歡無賴束馬懸車賤不羞正是客心零亂日落紅消息動金溝

其二

松風颯颯響笙竽客坐中央主四隅促膝故鄉紅燭好稱心春水白鷗呼季鷹夢已尊千里阮籍空

惟酒一厨漸喜江東金角定垂楊垂柳不曾枯

其三

日對髡鉗痛毒痛春郊新鬼哭殘顱能閒幸且寬
銅鉞欲別翻愁淺玉壺朱雀誰歌雙槳曲黃金難
鑄五湖圖尊前絲竹花前侶夜卽參橫晝卽晡

其四

西山日日有煙嵐花事逢春未肯函難遣有情將
折柳殊佳天氣過分柑空堂對酒思河朔芳樹攀
條感漢南一醉如泥吾不惜清齋彌勒久同龕

清明同古古伯紫仲調兔牀諸子登妙光閣

感悼二首

閣爲善持君所建

淚痕沾灑到花光散遣春愁此一方拈草偶留霞
外剝撥灰難滅定中香人隨寒食亭亭去日落冬
青樹樹長老眼憑欄何限事三更杜宇五更霜

其二

石火平催白首春芳蘭折盡感芳辰布金園濶忘
家儉炊玉心枯念客貧化去魂歸無色界悲來佛
是有情人讓他簾外雙飛燕又見垂楊碧草新

春夜集慈仁海棠花下同古古伯紫限韻

將離客對欲開花
步履春陰日易斜
紅雨一團香是國
紫絲十丈玉爲家
瓜時應怯高燒燭
柳慢難遮絕塞沙
韋曲爭言天尺五
惱人蜂蝶正如麻

其二

三月春過二月寒
爲憐花放判花殘
摩挲欲結明珠佩
跌蕩如吹古井瀾
不分流鶯催去客
可容停馬怒奚官
牽衣重向星前醉
我輩難逢別更難

上巳後一日招同古古兔牀伯紫仲調集慈

仁寺海棠花下是日晨雪

當風襍坐喜均茵秉燭前宵事已陳

三日前張燈看此花香

淺微連三日雪春寒恰瘦五銖身錦官照眼城疑
蜀珠襖爲腰國賜秦老伴逢花那忍別酹花千片
酒千巡

其二

西府香繁雪作茵碧窓深處玉橫陳春過上巳如
歸客酒泥窮交不愛身禁火山高人憶介卷衣風
急女愁秦歡時莫惜淹游騎歲往難將八駿巡

其三

絲爲步障翠爲茵天氣新時不肯陳
客愛閒堦如此夜鶯呼紅雨奈何身
雙飛仙屨誰持趙一片雲歌欲駐
秦相勸芳晨埋照足探龍撩虎已多巡

再別古古

一到空林萬感平半肩霜月紀山城
客星連向花前臥歸路偏從醉後明
蘇李詩原關氣數范張交不爲功名
春風此別仍湖海舊火新槐事已更

善持君觀南歸六如上人禮懺有作因和原

韻

經年業海逐申韓暫脫窺籠夢亦安廣柳人分三
月雨青蓮露灑六根寒身爲杜宇啼歸晚佛散名
花笑劫殘愧負生公頻說法黃泉碧落斷腸看

過廣武回憶壬午出使時二十五年矣撫今
追往爲二詩以寓慨焉

二十年前此舊游故人重到卽并州淒涼往事聞
吹角忽漫餘生感白頭出水芰荷浮百雉扳車父
老識三騶飄零握節歸何處不爲昆明劫火留

其二

造膝平臺玉漏清
九霄霜月夜論兵
銅仙沾灑千年別
城郭歸來獨鶴情
躍馬鳴珂無故侶
賜金乘傳已前生
不須重問邯鄲路
總入華胥夢亦驚

過雍丘孟陟公招集矩廊用李過廬壁間韻

卽事二首

高齋幽卽是空山
人在蕭蕭竹石間
名士自能生洞壑
老夫真喜臥江關
行逢紉草香爲觀
心逐輕鷗去復還
何福穩容徐穉榻
一宵叢桂已難攀

其二

北山之北更南山老屋三間廊百間如此入林多
曲折那辭行路飽間關十年舊雨長干外幾客明
星薄醉還須擬盡捻書籍賣天涯鄰並許吾攀

飲中贈馬布菴先輩時攜歌童佐酒

沛中吾友古先生每說扶風適館情文物大梁仍
拔俗襟懷小阮共知名爲順公歌憐江左人多散醉
指葵門老自驚濁浪紅塵猶滾滾傍河原有耦而

耕

過永城飲同年張東井太常齋中

三十三年榜下情曲江蒲柳夢宮鶯徑開今雨停
雙屐話入深燈判五更末俗從看耆舊薄端居全
遣世緣輕少公二紀輸公健塵海飄蓬累養生

其二

花徑茅堂萬里還書禪詩聖道人顏將車有子真
堪樂釀秫呼賓不礙閒一室龍蛇安小隱十年兵
火鍊名山此宵絲竹均茵坐雲月高咏激懦頑

贈開封丁進士

曾見彤墀灑萬言憂時晁賈答臨軒丁儀鄴下才
名重王粲高平榮戟存憐我風塵勤倒屣羨君河
嶽近當門法曹早晚勞英俊多少蒼生雪涕論

過太丘弔王子房中丞

落日招魂舊戰場沾巾野老共淋浪花驄親見秋
持節歷馬驚呼夜褭劒猶有目光森劒戟可憐心
血耿滄桑武侯將略原非短天意分明促靖康

午日臨淮道中

年年蹠柳長安市艾葉榴花照酒明今日鄉園真

在眼喜看淮泗盡歸耕熟梅將雨鳩呼急刈麥連
雲雉隴平飽飯爲農吾事足親聞閭閻計休兵

其二

採蓮溪畔龍舟出士女傾城鬪水嬉兩岸簾櫳人
上下十年香粉夢迷離樓船爭說軍初罷徵歛曾
聞淚盡垂思儉未宜輕瘠土幽風根本托耘耔

送姜子翥返京口

名士能來千里駕故人未買五湖舟江山夢過瓜
洲好文酒君因草具留開閣賜書思舊德還家潮

信遍新秋袖中攜我詩篇去把向金焦最上頭

過沂水徐子星招飲署齋次日復枉送青駝

寺漫酬二首

江淮賓從酒盈觴客散方知去故鄉何意鷓鴣逢
舊雨又憐車馬拂新霜心閒四境刀鉞息淚落千
家杼軸荒多少蒼生前席待十年封事滿明光

其二

巖城鼓角亂深杯琴帙蕭齋倚樹開官到稱心貧
有味人逢促膝話難裁團圞裙屐低紅燭斷續笙

歌慘早梅竟夕淹留情不厭寒沙驅馬萬山來

過昭君故里和邸店壁上女子韻

鬱金堂外總愁鄉青粉含毫惱客腸悲角夜寒孤
枕月紫駝家指一鞭霜魂搖環珮春何在語澀琵琶
曲幾行千載明妃憐薄命畫圖猶得訴君王

無題疊前韻

目斷南雲是故鄉萬重烟樹兩離腸啼深尚裛香
螺雨夢淺難溫繡被霜天外金鷄誰識路愁中錦
瑟不成行玉釵羅袖分明事却以微辭誑楚王

燈夕飲李湘北太史齋中

燈火論文舊酒樓清狂裘馬不須愁惱人花又開
韋曲彈淚歌誰說杜秋雪過傳柑千嶂霽身拚秉
燭一春遊長期海甸銷金角玉管銀罍坐兩頭

其二

銅街虬箭出龍樓勝日烟花醉不愁從此好春連
上巳可容圓月讓中秋五侯鯖合星橋宴十日醺
歡帝里遊人坐玉堂天似水急呼蓮炬照詞頭
喜古古重至都門

千峯雲月一枝筇
戶外誰傳物外蹤
酒冷天街喧戍鼓
吟成僮約惱晨鐘
何妨看竹開幽徑
豈有牽蘿炫冶容
厨俊東都餘數子
扁舟須並郭林宗

其二

眼看沙道日風潮
橫笛高城壓短簫
芒碭暮雲天外合
秦淮花雨望中遙
菱荷自許褰衣帶
蘭桂何當縱斧樵
記取紅亭攜手路
州帆歷歷柳蕭蕭

春日古古伯紫昭茲同集小齋

天涯烏鵲總南枝
飄泊根柯晚不移
冷食節過遊

事好宮城歲閏柳條遲易殘明燭爲歡夜有味輕
舟出險時尚記靡蕪香草路隔年春酒贈將離

其二

月午銅街鼓漸高相逢生事感持醪餘年玩世容
高枕幾客藏心得善刀槐火一宵生杜曲花愁三
月放蘭皋誰家挾彈青驄子蹴踘鞦韆也自豪

其三

新燕新鶯卽漸飛冶遊天寶夢依稀山逢介子來
高隱酒愛平原只布衣芳袂人留雙屐健長安棋

讓十重圍荒原麥飯鄉關遠杜宇啼多竟不歸

其四

但須泥飲莫悲歌逝矣真憐歲月多何地烟霞堪
綰帶近天消息罷張羅花深肯息看山駕春盡須
揮挽日戈自信客情羈宦減對君無那有情何

其五

名士人憐華子魚當時爵里竟成虛三春好闢柴
桑徑四望原輪下澤車交道已窮存管鮑文章至
死戀應徐喧喧紫陌歌鐘急促膝空齋共宴如

其六

打毬風日捲晴沙大道垂楊近狹斜我始欲愁難
罷酒復誰能遣是飛花樓臺自鬪金盤蠟陽鳥真
憐玉漱家好友嬉春拚并日十年宣髮已如麻

花下同古古作

海棠萬藥已含珠老伴難令勝日孤但坐無妨傾
一石有花何地不三吳藏名歲月消龍腹失計文
章休虎鬚銀漏半殘清嘯出天街衣馬興全殊

其二

旗亭風散柳花香漸有濃陰拂女牆客路春隨寒
食去中年心對故人長且教華髮逃歡伯豈有浮
名大夜即故態能狂狂亦得東都九鼎繫嚴光

其三

芳草沿緣韋曲西玉河烟雨接前溪心閒沙鳥憑
爭席態變浮雲笑突梯破睡人添三徑寂開簾花
卷一峰低關情杜宇催歸後桑樹鳴鳩恰恰啼

其四

最憐春盡得春晴無數青苔閉戶生往事回看俱

定山堂詩集

七言律詩

卷三一

失馬長安相勸只聞鶯歡逢秉燭天難夜身託銜
杯晚自驚箬笠芒屨呼便去那言世未棄君平

其五

青春花月興難窮被襖人來感惠風命駕心期千
里後開樽燈火一年中江湖星豈依侯霸龍鳳名
應讓德公天氣殊佳須小住玉琴詩句依孤桐

其六

早霜夢到早鶯天好友顏從數見鮮萬事總輸銀
鑿落五陵爭鬪錦連錢季鷹老去全思鱸丁令歸

來悔學仙榻共歲寒寒食夜春星不寐也堪憐

花下同伯紫作

梨雨初收發野棠惜春人爲送春忙名花老去愁
含態勝日歡多醒亦狂城號錦官原爛熳雲爲神
女總荒唐晚風寒意思燕王安得溫柔有此鄉

其二

木蘭艇子撒沙棠花裏扁舟入夢忙冶葉倡條春
自駐玉簫金管客須狂濃香二閣憐江左好句雙
鬢想盛唐醉倚繁絃歌子夜不知紅燭是他鄉

檣樽真空寺送古古

小住爲佳碧草天醉鄉相勸故鄉先別當垂老翻
無淚花近殘春易着煙寶馬香車他自得清樽疎
雨事堪憐同游賓從多黃土重過珠林憶往年

聖秋

友沂壬辰春同訪
古古留宿寺中

其二

輕陰天氣亦能新雨過全銷步屨塵中酒恰經寒
食候落花常似未歸人蓬蒿此去誰開徑萍梗吾
生應有鄰送客年年還作客白頭真自負青春

送劉騰柱南還

紅燭新詞照綺筵，飛花又促錦連錢。
當時氣折三孤角，如此人閒十五年。
江左煙霞堪嘯傲，清流霄漢尚迤邐。
眠餐健好君恩在，沙道依稀亦可憐。

其二

齋盤玉雪淨無塵，對酒蕭然物外身。
名士自能空慧業，故人相念是清貧。
爲歡幾日偏爲別，送客將歸恰送春。
求舊中林方有詔，滄洲詎易穩垂綸。

送李子靜侍讀使安南

披香丹詔出龍墀東觀西清輟講時蜀國雄文驅
弩矢漢關明月照旌旗儒臣久裕安邊畧廟算全
勝下瀨師綸閣策勲應計日九重前席問瘡痍

和古古

桑乾冰盡水淙淙杜宇聲低喚客艤三月濃花人
易醉一行古栢老難降大風中夜愁歌沛名士當
年數過江海內良朋膠漆在賞音金石恰相撞

其二

花裏鶯將舞蝶梢故交維坐勝新交逢歡詎惜淹

三雅開閣真堪哂一肴裘馬春憐同學散鐘魚晚
愛六時敲何緣心跡能雙寂賓戲從人答客嘲

送任昭茲孝廉歸侍尊公侍御

紀羣風義接英流尚憶慈恩並轡游一百五日夜
經眼三十四年人白頭信汝烟霄須得路憐吾塵
海未迴舟趨庭綵服多清暇指點雲山共倚樓

首夏爲張遽林侍郎志別

花落金溝乳燕飛春星霑酒袂重揮東山棋較長
安穩北道人憐舊雨稀尚憶樞廷資石畫可能龍

臥久漁磯彈冠急慰蒼生眼尺五宮雲映賜衣

寄金長真太守

汝南太守古循良簾閣清凝畫戟香公望誰能兼
鮑謝文人今始見龔黃春迴瘠土千村雨客坐冰
壺一壑霜更採遺編扶大雅深燈點筆盡琳琅

長真

重刻何
大復集

春日送周菊人都諫內擢假歸

黃閣猶懸獻納名僊盤月已映金莖花連畫錦春
江麗心傍宵衣午夜清強項漢廷偏遇主息肩海

國正銷兵勿因薪債耽休汝朝論於今急太平

送同年裴晉卿銀臺歸晉陽

榜花三十六年春老輩重驚去一人海內星憐兄
弟散樽前雲訝奕棋新風霜記昔行驄馬巖壑何
當臥鳳麟多少蒼生占後樂眠餐珍重午橋身

其二

日邊綵燕轉初暉凍柳猶憐折贈稀官已積薪纔
被放夢懸叢桂幾能歸君恩浩蕩容安枕吾道
艱難且拂衣大有蒲輪優碩果時清那易老漁磯

定山堂詩集

七言律詩
五

卷三

送陳渾水督捕還天中

燕山木葉下秋塵送客青門一損神
弦直并難容伏枕霜清猶自記埋輪
還家水落魚龍夜采藥天優柱石身
重爲盍簪占世道治平終望典型人

送董玉虬侍御叅藩秦州和其留別韻

西望浮雲萬里來強攀殘柳玉河隈
關山秋逼江淹淚絳灌心知賈傅才
成法但能循冊府直臣何惜遠中臺
登車休急抽簪計環玦天高未可猜

遙同無山嶺一兩司馬長至齋居之作

自公夙夜矢忘家况值千官扈翠華退食偶緣親

藥裹

子以病未得陪祀

齋居遙指隔堤沙曹劉對壘才無

敵寮案論交舊孔嘉玉琯初迴傳玉案亭亭天半
裊朱霞

其二

層霄高擁列仙家獨愧疎慵老鬢華羽檄不飛門
似水宮煙纔散月如沙清宵燈火連宣室文物風
流自永嘉

曾老攜所藏古蹟與無老對賞

襖被應知寒色減璇璣

一線轉晴霞

春夜讌集偶見吳玉隨太史壁間韻戲紀

事

功成裘帶賦閒居
絲竹蒼生對酒餘
花氣夜連紅燭動
衣香風散畫欄虛
夢回吹角潮初息
星聚彈碁客未疎
纔向謝公簾下醉
兩行迴笑病相如

戲焦鹿對奕而予病甫起

時公

過書雲新齋

曾看錦纜一秋行
忽漫高齋畫舫生
閣外山光連野入
溪邊人影過橋明
闌干深淺宜紅袖
樓榭參

差愛晚晴塵海那能閱竟日任他絲竹惱啼鶯

其二

疎林殘雪積方塘素石文窻受夕陽此坐相過無
俗客人生得醉卽歡場難逢柳市煙塵減預喜花
時浦漱香諫草未容妨燕樂憂危身已繫平康

送越辰六孝廉之吳興

青雲詞賦擅龍標羨汝名題萬里橋折柳偏迎迥
磧雁看花先換隔年貂文心勝得江山助官閣貧
餘朋舊饒歸到水清同對酒水晶宮月正春潮

送梁敷五少宰還恒山兼懷玉立宗伯

十年水鏡冠鵷班四海蒼生訝賜閒公望自難淹
赤舄急流那易領青山圖書裝薄巾車出林壑花
深蠟屐還連榻西堂春草話每詢耆舊動天顏

九日黑窰廠登高同方與三作

得閒何地不歡場一醉能忘旅鬢蒼風日總陰秋
亦好菊華未放酒先香十年朋舊晨星散滿眼雲
山去雁長寒月漸升絲管發興深安可諱吾狂

十九日穀梁招集與三慈仁寓齋

飛揚闌入酒人場眼底吾曹各老蒼紅燭竟須千
日醉秋衾休戀五更香過江客喜寒星聚入雒塵
憐畏路長彈指舊遊今雨散君房癡極子陵狂中坐
有及瀨水沛上往事者

其二

河朔烟霜幾戰場關山雲樹尚清蒼高城入夜聞
悲角久客縫衣減舊香醉後行歌驚節短古來名
士恨情長相逢但許談花月努力風波未敢狂

廿一日石仲生司農招集慈仁松下同方與

定山堂詩集

七言律詩
十八

卷三

三分賦三首

游戲難逢鬪草場，秋星秋月況清蒼。
酒行自覺千人廢，客好真憐一坐香。
老去寒松原有態，歡時銀箭可能長。
玉山任使山公倒，今夜須容叔夜狂。

其二

五陵衣馬打毬場，目送浮雲萬里蒼。
歎世尚餘蓬鬢在，逢人只勸菊華香。
天留酒色藏孤憤，交閱艱虞驗久長。
後夜西山重有約，但容狂處與君狂。

其三

尊鱸秋風得意塲憑高南望亂山蒼魚羹竟戀他
鄉美橙橘遙憐素手香垂老故人聯珮少當時窮
巷引杯長十年腸斷扶紅袖羨汝遮燈語更狂

卽席送與三次巒穉韻兼寄樓岡邵村昆玉
游倦翻忘行路難與君進酒當加餐老秋花泥連
宵醉初雪人添密坐歡客裏愁多驚送別山中書
到勸辭官相逢轉愛雙蓬鬢紅燭更深且莫彈

其二

四海論交晚倍親南星豈易聚陳荀猶留雁後黃

定山堂詩集

七言律詩
十九

卷三

沙淚同灑樽前舊雨人

時聞爾止之詩

燕市悲歌元有氣

素衣來往竟無塵故園問訊梅開未羨爾巡檐索笑頻

壽賈膠侯中丞

曠代賢豪此盍簪百年金石素交心人如賈父蒼生喜來必王修古道深河嶽煙霞思袞舄秦關笳鼓接謳吟壯猷元老方前席雲起東山便作霖

喜與三復至都門

小別難忘對酒歌天涯重見奈情何惟容秉燭淹

銀漏未許鳴鞭冒玉珂老恨花時雙鬢短醉憐松
月五更多風塵青眼今餘幾莫漫枯魚泣過河

其二

高樓鐘鼓接西清珠斗參差逸興生萬事交游心
尚爾一時去住跡頻更前溪柳暗晨吹蕩小閣香
濃夜炙笙過歲定從偕隱約福緣同卜大橫庚

送與三南還飲中同次德仲調作

惱君去勝喜君來花落心驚記菊開此客去偏憐
汎梗隔秋眠只共蒼苔諸侯誰執車中轡河朔懸

歡雨後杯歸訊青溪新漲綠白鷗可望病夫回

其二

銅街簫鼓歡當筵鈴柝沉沉薄暮天世路艱難如
人峽酒人歌泣且辭燕情牽紅雨輕裝外氣短青
燈醉尉前行矣南榮堪企脚更休騎馬換乘船

和鮑讓侯留別二詩送歸梁溪兼志交臂相
失之愧

叅軍才地擅風華共許騰驤天路沙龍鳳未容輕
品目蠹魚聊復飽生涯人分宮闕臨河柳夢逐鄉

山過雨茶慚愧戰場逃五色高歌青眼望仍賒

其二

花前雁後幾登臺一羽雲霄歸去來漸喜春鷗爭
席近勿嫌金馬上書迴功名才大原游刃歲月身
輕試引杯爲拂二泉亭畔石勞薪望岫苦低徊

清瑟以明經廷對再入長安相見歡甚飲中

感賦兼懷同學諸子

當時壁水羨先鞭彈指流光四十年君健公孫猶
射策吾衰平子欲歸田同遊巖壑蹤堪數隔歲人

琴事可憐爲報雞壇諸舊好青燈還許對牀眠

酬曹澹餘宗伯雨後曉行河畔之作

晨光雨色兩冥濛人在荷香竹露中
傷舍鷗添芳漱水披襟燕報遠林風
天心宵旰三農見輦路雲煙萬井通
吟歎覬公匡濟切爲霖應羨古今同

午月祝許子位同年卽和其自壽韻

三十八年彈指過滄桑贏得看花身
天畱完福酌名士我肯新知易故人
夙世文章真慧命空山龍馬最精神
蕭蕭攬鏡慙勲業悔不相從水石濱

其二

萬卷奇書萬里遊，偶舒鱗甲壓龍頭。
浮名詎盡平生事，老輩翻輸得意秋。
後夜論心銀鑿落，清詩送響玉箏篳。
英雄出世先匡世，溫嶠寧居第二流。

次德以長公大春次公介春詩見示，賞咏累日，和伯紫韻寄贈二首。

青箱彩筆孝廉船，共說何家逸藻偏。
閣裏官梅雙萼竝，堦前玉樹一行連。
隱囊藥裹宜名士，碧海蘭苕競少年。
入雒機雲均早達，珊瑚鞭影讓誰先。

其二

到眼虬松百尺枝文章憎命事偏奇

次德南宮之
牘已入穀矣

而以一二奇句
見格至今惜之

崎嶇路過慙交臂雋永詩來快朶

頤祖德長容才子述平生難是一人知門庭師友
還相慰風雨朱琴好不移

定山堂詩集卷三十二

七言律詩十七

五十一首

送袁九敘大司空出撫山左

二首

亂情偕袁中丞之山左用往歲送歸武林四

詩韻爲別

四首

送孟傳是之婁縣令

新秋壽仲調

送王玉銘大司馬

予告歸滇南

二首

寄壽張公選少叅

送張禮存太史假歸京口爲尊公稱壽

送許子位年兄登第後還膠城卽和其留別

韻
四首

玉少七夕初度疊壽仲調韻

祝山公觀察辰沅
二首

送次德下第還金陵今春承乏禮闈次德已

入彀矣而以文奇見厄榜後見闈牘爲惋

惜者彌月賦此以志予愧
二首

送許琴公太守之德安疊松下集字韻

九日黑窰廠登高同方虎國子康侯青藜綰
雲縠梁仲調伯紫湘草次康侯西山韻

送陶肅公孝廉南還次留別韻

和澹餘宗伯重陽後二日同宿北郊小菴

送趙石寅游梁苑

古老過集拈空同馬上城中見雪山之句同

作二首

雪後古古槩子礎日子壽方虎荆名遙集康

侯錫鬯湘草武曾緯雲竹濤青藜仲調穀

梁武廬同集小齋古老限杜韻卽席四首
是日稚兒初就塾

贈柳叟敬亭同諸子限韻

二首

送仲調登第歸金陵和蔡子韻

二首

又送仲調次古老韻

二首

送郝慎弓南歸

冬夜和湘草長安酒樓飲中韻

祝宮紫陽惜夫人六十壽

二首

湘草醉中索韻限五字同作

壽張螺浮給諫和仲調韻

二首

嘉平立春後二日雪客攜具過小齋招同古

古條侯平子湘草穀梁麋子飲中限韻

二首

定山堂詩集卷三十二

姪嘉禧

淮南龔鼎孳孝升著

男士璜全較

弟鼎璚孝積訂

士祺

康熙庚戌秋
冬存筭近棠

七言律詩十七

送袁九敘大司空出撫山左

彤弧重出建章宮
一路風清指大東
牧馬書傳齊
管子遵鴻頌起魯
元公生徒洙泗橫
經下雲物蓬

萊賜履中共說昆明遮道日炷香活佛萬家同

其二

雄藩鎖鑰接神京南北金湯繫不輕但使農桑能
按堵何殊樽俎自籌兵祥占翼奉天堪補人比袁
安雪更清蘇息黔黎真相業肯因封禪奏昇平

胤倩偕袁中丞之山左用往歲送歸武林四

詩韻爲別

頻年聚集改暄凄乘興翩然勝剡溪蓬跡總難分
去住花時何計快招攜牽衣垂柳心堪折看世浮

雲態已齊回憶虎坊橋畔別一堦殘月影全迷

昔詩

有月斜人影
過堦齊之句

其二

約過小飲因冗不克至第二聯及之

京華滾滾鬪冠裾遊戲誰同縱壑魚此去偏憐秋
月近將離却遣酒杯疎諸侯禮重笙簧外名士亭
留鼓角餘榻倚油幢冰雪滿焚香終日對清虛

其三

二東風俗漸心輕本計全規攬轡清盜俠探丸遊
斥埃流人投匭累公卿石壕啼哭難逃吏坤軸飄

搖幾勸耕草檄飛書勞阮瑀借籌先采道州行

其四

倦遊心事託江湖長日空齋長綠蕪却掃猶欣羣
彥至臨分乍覺一身孤星河合并人將老車騎雍
容子甚都歸舸早能過沅濟羨魚何必四腮鱸

送孟傳是之婁縣令

籍甚人才數孟舒江花初擁使君車久期丹筆流
膏雨

司理
改授

却遣青山對簿書開閣客吟豪士賦鱸

鱸清比武昌魚征隄須爲農桑減近詔循良急庠

除

新秋壽仲調

名重清流廿載餘金門對始召公車百年風義汝
南傳一代文章賈誼書才大何心榮館閣吾衰得
爾勇樵漁秋花蕭寺秋燈酒薄海人方誦子虛

送王玉銘大司馬 予告歸滇南

疏傳金輅禮數優爭看祖帳擁華輶成弘人物家
風在洱海煙霞國老收曳屣天瞻雙闕近垂綸身
健五湖秋蒼生正望安車召棋墅中林并日遊

其二

版曹當日記追攀
杼軸民勞悴道顏
名德久占三
事重雲霄今見一
人還昆明劫過鄉
園定薄海農
歸戰壘閒丘壑
吾徒曾未乏輸公
一着蚤青山

寄壽張公選少叅

文章英譽冠三都
中外冰心皎玉壺
毛玠剛方宜
禁闥桓榮經術盛
生徒齊眉鸞鶴春
風映繞膝夔
龍綵服趨燕喜
未須妨趣駕
聖朝今已用眞儒
送張禮存太史假歸京口爲尊公稱壽

結佩芳蘭快紀群鳳城秋早袂偏分金莖露湛千
春酒丹伏天開五色雲東觀弟兄齊珥筆南宮燈
火細論文一門以內皆霖雨領袖清流已到君

送許子位年兄登第後還膠城卽和其留別

韻

玉露連江變曉楓經霜顏色傲春紅文章健者天
難老湖海歸與路不窮龍氣久應驚鐵笛蛾眉今
始濯珠櫳臨分一奏南飛曲秋月秋星罷酒中

其二

定山堂詩集

四 七言律詩

卷三十一

落盡檐花細雨新相憐
老伴倍情真塵中小劫前
薪積天下精兵後勁人末路艱難無出處
名流憂樂有風神
蕭然京國閒來往
未便磷淄白壁身

其三

舊游幾客感山陽
玉笛頻牽玉樹傷
當日黃塵同側帽
有人紫閣佐垂裳
參辰目斷歌三疊
風雨吹殘夢一牀
獨羨靈光歸月旦
百年心許素交長

其四

對此茫茫雙長星
車門耳語誰能聽
城頭孤角晚

來急望裏數峯江上青
白日爛柯悟樵子好春種
菜勞畦丁名山代長計已決
努力吾黨颺芳苓

玉少七夕初度疊壽仲調韻

花月雷塘被酒餘青雲才子已高車
揚雄賦合陪雕輦孝綽名寧藉秘書
碧漢雙星明錦綺清宵二酉足收漁
千尋風槩千秋業吾道其南望不虛

祝山公觀察辰沅

五溪銅鼓靜秋聲萬里風烟別緒生
使者節隨秋雁下祝生名奮史魚清
官閒藥竈堪兼隱兵定人

家好勸耕福地洞天膏雨遍早圓功行在斯氓

其二

重瞻棨戟映并州絳帳名儒已入騶西穴書傳開
羽翼春陵詠就緩征求當時泪共揮丹筆舊雨吾
今感白頭古處難忘簪更盍親聞岳牧注宸旒

送次德下第還金陵今春承乏禮闈次德已
入彀矣而以文奇見厄榜後見聞曠爲惋
惜者彌月賦此以志予愧

似此平生一涕真自傷失意不關人難開老眼看

朋舊終訝高才讓鬼神三川未明懷璧罪雙蛾肯
悔賣珠貧春花春草閒榮落珍重亭亭百尺筠

其二

磊落清狂態總真許身更是汝南人風雲才大天
應惜成敗心空筆轉神愛弟談諧頻入夢佳兒詩
卷一忘貧歲寒努力張吾道松有蒼髯竹有筠

送許琴公太守之德安疊松下集字韻

鶴廳冰玉爛秋空却見熊轡出菊叢月旦東都名
目重峴碑南紀望應同清宵對酒搖寒翠綵服還

家映晚楓神爵政成民共樂盍簪先與慰飄蓬

九日黑窰厰登高同方虎國子康侯青藜緯

雲穀梁仲調伯紫湘草次康侯西山韻

彭澤卑棲也棄官肯因馬棧負烟巒天連野色浮
空闢人坐秋陰愛薄寒餐菊飽應驕五斗振衣輕
不讓千盤蘭臯延佇游將遠詎必高予岌岌冠

其二

只有黃花共綠尊無人不愛九秋恩百年朋好餘
霜鬢一夜江山似故園玉塞吹笳列金溝落

藥到青門當風欲結幽芳佩公子何思未敢言

其三

年年步履此登臺今夕秋花喜盡開自是歡多延
暮景那愁風急捲飛埃籃輿敢借羣賢擁錦瑟偏
逢爛醉哀高會無錢須貰酒狂呼不望白衣來

其四

江聲萬里滾岷峨淮海魚龍白日過盡遺金尊消
歲月幾時壁馬奠江河寢園佳氣千山轉宮井哀
蟬一曲多大有奏囊馳水旱望中逸足倚明駝

其五

茱萸細把藥重重搖落秋心晚倍逢夢去荆花雙
淚墮愁來藥裹六時供歸與狂簡憑歌鳳老矣風
波倦戰龍清夜啣杯還秉燭小山叢桂肯吾容

送陶肅公孝廉南還次留別韻

雲霄萬里有前期吾世文章望羽儀已分凌空羅
俊鵬何來到眼失蒼嶠歸心仲蔚蓬三徑家法柴
桑菊一枝努力金閨書更上風烟小別莫深悲

和澹餘宗伯重陽後二日同宿北郊小菴

頻過竹院倍情親一榻全消柳市塵墜葉疎如殘
夜漏棲鴉嬾似欲歸人論才鄴下真無敵對酒林
中亦有隣捉麈含毫都簡逸楷模今得見先民

送趙石寅游梁苑

木脫桑乾塞雁過秋燈罷酒奈情何故人顏好勝
魚素羈宦門寒似雀羅此去梁園飛雪滿向來江
柳暮雲多倦游須返三山駕石屋書成被女蘿

古老過集拈空同馬上城中見雪山之句同

作

入雒蕭疎也入山孤雲今夕一開關
烟霜漠漠棲烏定宮闕蒼蒼塞雁還
吹角寒沙過萬騎誅茆老屋想三間
城中馬上人何限白首丹崖豈易攀

其二

歸去巢由未買山扁舟乘興出江關
燈昏草榻三年別夢美芒鞋萬里還
落月天低雲樹外唾壺心滿酒罍間
狂歌是處堪招隱赤脚層氷與汝攀

雪後古古檠子礎日子壽方虎荆名逢集康

侯錫鬯湘草武曾緯雲竹濤青藜仲調毅

梁武廬同集小齋古老隈杜韻卽席四首
是日稚兒初就塾

湖海啣盃總歲星金人此口不須銘花前紅燭垂
雙穗雪後寒光積一庭到眼風塵高枕過頻年聚
散白頭經呼兒誦讀從吾拙勿遣陳咸睡觸屏

其二

屋角冰殘似綴星興深頌酒廢觴銘魚從凍後來
灤水桶愛霜多摘洞庭萬里客心歸自卜千盤畏
路老全經藜牀脫粟還投轄却羨誰家六曲屏

其三

扁舟結伴已晨星
歸訪江臯瘞鶴銘
春水鳬鷗原傍舍
赤霄鷗鷺儘充庭
閒身送日逃三雅
薄宦傳家笑一經
風急打簷飛霰入
玉龍擊碎水精屏

其四

車騎天街欲亂星
愚公只守研山銘
朋徒肯使同于野
楮矢何煩責不庭
已報期門迴急雪
誰將石碣補遺經
醉餘自裂巾箱草
枯樹空支曲脚屏

贈柳叟敬亭同諸子限韻

病夫今夕豁頽唐齊物談天兩擅長似有奇兵來
雁塞偏逢大雪壓魚梁迴頭畫戟三春夢拂袖麻
鞋萬里莊多少王侯開閣待滿簾紅燭滿林霜

其二

稗官抵掌恣旁唐頓挫縱橫善用長白眼滄桑誰
晉魏朱門花月舊齊梁論交古道推劉峻置驛通
都愧鄭莊豪傑總留生面在坐中毛髮凜秋霜

送仲調登第歸金陵和槩子韻

疎林霜月白皚皚懸榻頻歡舊雨來馬帳何期延

老友龍頭猶悔屈高才曹劉摸索知無忝晁董風
雲笑此迴名士歲寒原宦達甘陵黨錮一時開

其二

過眼楸枰態幾更客心中夜裊懸旌宮衣纔映南
枝發天路回看北極晴四海文章驚小輩一竿燈
火話難兄

兼懷孟新

相煩亟掃青溪石岸柳江鷗信此

情

又送仲調次古老韻

送汝青門向白門天風徹夜吼離尊挑殘短燭人

卒徒矟弓天半出猿臂大軍呼萃嶺消豺窟開平
握虎符千峰吞漢沔一燾壓荆吳櫛沐深垂統鯨
鯢動伏辜腥濤吹戰甲畫角偃風蕪南極懸魁柄
烏江失咤鳴允文檣櫓杳供奉錦袍孤宮殿移衰
柳旌旗冷黑菰金湯形自固堂構理相須痛惜戎
衣業誰將半壁驅壘多追禍始
掃憶橫徂四鎮
誇精悍滔滔媿亞夫

擬艷體用李義山鏡檻韻

晶箔瓊枝立犀梁海燕過曉烟籠鈿雀春信闌銀

十一
鵝亞鏡微陳靨低帷似搢歌腰身擎綠鳳圖書展
青螺一笑纔題石雙星竟渡河香防衣袖淺語漏
侍兒多鳳曲當宵奏菱花待月磨跳浪克粉蝶疼
惜寫宮蛾石幃圍何易素簫識豈訛翼連丹檻鳥
嚮擅紫峰駝羅薦知雲熱文鸞想瑟和影猶猜洛
浦妙不數陽阿名士同閨閭奇言散綺羅兼金難
買刻半恚却迴波珠篋千秋草油轅二月莎麝衾
看睡足薄福是鳴珂

哭方孩未先生用王弇州哭李于鱗一百二

其二

水國烟波穩釣綸江東遺老太平身傳家射策聯
三葉教子成名第一人海鶴凌風心浩蕩沙鷗讓
席味清真百年偕隱原完福高枕浮雲萬態馴

湘草醉中索韻限五字同作

啣杯逸氣壓三湘井底蝸應笑子陽詩到浣花知
律細燈搖積雪悞更長勸腴銀鱸冰千里

魚數種皆來自

遠片招手銅槃客一堂歸去未須愁醉尉天街鷄亂

曉城霜

壽張螺浮給諫和仲調韻

抗疏曾言第一事，盍簪相別幾秋星。
朱游名久懸丹檻，汲黯身原繫漢廷。
滿院梧桐陰自碧，他時竹簡汗長青。
直臣上殿蒼生喜，避道勞歌拭淚聽。

其二

飛書閭闔已忘家，去國驚同抱蔓瓜。
世事年來看落葉，晚香人健比霜華。
九重獻納今前席，萬里江湖一幕笳。
奮臂扶天霖雨出，依然絲管泛流霞。

嘉平立春後二日雪客携具過小齋招同古

古條侯平子湘草穀梁欒子飲中限韻

嵇阮林中一醉勻難逢宛雒此均茵銅盤翠滴風
前淚珠斗晴開臘尾春扶病高明原大藥得閒苦
海亦良辰旗亭風日青絲騎貰酒拋裘未肯貧

其二

風細銅街歲鼓勻深寒漸欲減重茵他鄉客聚三
間屋老眼花催兩度春書就藏山仍甲子天容同
世不參辰玉壺携酒忘賓主轉笑公孫脫粟貧